



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXXXVIII. ad annum MCCCCXL.

Parisiis, 1644

Evgenius Hortatvr Ianvenses Vt Salvvmcondvctvm Graecis concedant.

urn:nbn:de:hbz:466:1-15490

ANNO
CHRISTI
1438.

Ceterum Eugenius post confirmationem decreti electionis Florentiae vel Vtini, seu alterius loci in Italia pro celebrando Concilio cum Græcis, ad idem opus se accingens, apostolicas literas hoc eodem anno 1437. pontificatus sui septimo, pluribus direxit: & quidem Ianuenses hortatus est, ut saluumconductum Græcis concederent; nec non Sigismundum imperatorem, regesque alios, ut ea omnia facerent, quæ Græcorum in Italiam aduentui & unioni cum Romana ecclesia profutura iudicassent. Capitaneum pontificie classis, ad eosdem Græcos in Italiam conducendos, constituit: saluumconductum eisdem Græcis, formamque procedendi in causis ciuilibus & criminalibus concessit: oratores in Concilio electos pro conducendis Græcis confirmauit, ac duos alias apostolicæ sedis nuntios ad eosdem Græcos transmisit: expensas producendis & reducendis Græcis promisit, ut ex eiusdem Eugenii sequentibus apostolicis literis, earumque regesto Vaticano apparet.

EVGENIVS HORTATVR IANVENSES^{Num. VI.}VT SALVVM CONDVCTVM GRÆCIS
concedant.

Eugenius episcopus seruus seruorum Dei, ad perpetuam
rei memoriam.

Dilecto filio nobili viro Thomae de Campo Fregoso duci
Ianuensi salutem, &c.

V IDEBIT tua nobilitas ex introclusa literarum apostolicarum hesterna die datarum copia deliberationem factam, quod oecumenicum Concilium Florentiae aut Utini pro vnione ecclesiarum occidentalis & orientalis celebretur. Quare cum velint Græci prædicti pro eorum tutela & securitate saluumconductum habere a te, & illa communitate tua, eamdem tuam nobilitatem in Domino requirimus & hortamur, vt fieri facias, & nobis mittas prædictum saluumconductum in forma copiæ, quam mitimus introclusam. Datum, &c. pridie Kalendas Iunii, &c.